

**Laapi pyereestvaijeemkuávlv
kuávluhaldáttâs
Äššilisto**

LAPHA/46/00.01.02/2022

27 § Pyereestvaijeemkuávlustrategia

Laapi pyereestvaijeemkuávlv kuávluhaldáttâs 299 § 12.10.2022

Laapi pyereestvaijeemkuávlv kuávluhaldáttâs 351 § 9.11.2022

Laapi pyereestvaijeemkuávlv kuávlustivrâ 36 § 25.1.2023

Laapi pyereestvaijeemkuávlv kuávluhaldáttâs 299 § 12.10.2022

Pyereestvaijeemkuávluhovdá 10.10.2022

Pyereestvaijeemkuávlulaavâ 41 § miel pyereestvaijeemkuávlust kalga leđe strategia, mast kuávlustivrâ meerrid pyereestvaijeemkuávlv tooimâ já ekonomia kuhes áigáduv uulmijn. Pyereestvaijeemkuávlv strategiast kalga väldiđ huámmášumán:

- 1) ässei pyereestvaijeem ovdedem pyereestvaijeemkuávlv pargokiedist;
- 2) palvâlusâi orniimân já pyevtitmân kyeskee strategisiih linjiimeh;
- 3) pyereestvaijeemkuávlv pargoid kyeskee laavâin asâttum palvâlemulmeh;
- 4) omâsteijeepolitiik;
- 5) pargoviehâpolitiik;

6) ässei uásálistem- já vaiguttemmáhđulâšvuođah. Strategiast kalga väldiđ huámmášumán kielâlij vuoigâdvoođâi olášume pyereestvaijeemkuávlv palvâlusâi orniimist já pyevtitmist.

Pyereestvaijeemkuávlv strategia kalga vuáđuduđ árvuštâlmân pyereestvaijeemkuávlv tiileest strategia ráhtimmuddoost sehe toimâpirrâs puáttee nubástusâin já toi vaikuttâsâin pyereestvaijeemkuávlv pargoi olášutmân. Strategiast kalga miäruštállâđ meid ton olášume árvuštállâm já čuávvum. Strategia tärhistuvvoo ucemustáá ohtii kuávlustiivrâ toimâpaajeest.

Pyereestvaijeemkuávlulaavâ 115 § miel ekonomiavuávámist tuhhiittuvvojeh pyereestvaijeemkuávlv já pyereestvaijeemkuávlvukonsern tooimâ já ekonomia ulmeh. Ulmeh kalgeh olášuttiđ pyereestvaijeemkuávlvstrategia.

Pyereestvaijeemkuávlulaavâ 22 § miel kuávlustivrâ meerrid ei. pyereestvaijeemkuávlvstrategiast.

Haldáttâhnuolgâdus 3 § miel pyereestvaijeemkuávlv toimâ jođettuvvoo kuávlustiivrâ tuhhiitem pyereestvaijeemkuávlvstrategia já ton uassin orroo palvâlemstrategia miäldásávt olesvuottân.

Koskâpuddâsii valmâštállâmtoimâorgaan kištottem vuáđuld lii väljejum äššitobdeepalvâlus pyevtitteijen pyereestvaijeemkuávlvstrategia valmâštállâm toorjân

**Laapi pyereestvaijeemkuávlv
kuávluhaldáttâs
Äššilisto**

oovtâstpargoost FCG Finnish Consulting Group Oy já Fountain Park Oy. Strategiavalmâštállâm siskáldâs torjust västid iänááš FCG. Fountain Park pyevtit riäiduid, moiguin strategiapaargon väldih vijdáht fáárun poolitlijd miärádâstahheid, pargovievâ já ässeid. Pyereestvaijeemkuávlustrategia lii kiedâvuššum ei. maangâin kuávlustiivrâ seminaarijn. Kuávluhaldáttâs miärádâs 23.3.2022 § 28 vuáđuld strategiapargo stivrimjuávhu saavâjođetteijee lii toimâm kuávluhaldáttâs saavâjođetteijee Tapani Melaluoto já lasseen stivrimjuávhu paargon láá uásálistám kuávluhaldáttâs värisaavâjođetteijeeh Antti Kaarlela já Sari Auvinen sehe jesâneh Pertti Hemminki, Jari Hast já (värijeessân) Kari Askonen. Stivrimjuávhus láá lamaš miel di pyereestvaijeemkuávlv valmâštelleeh já virgehaldášeijeeh.

Haldáttâhnuolgâdus 34 § miel sâmielâ lävdikodde já 36-37 § miel uásálašvuotâ- já äššigâsvuotâlävdikodde sehe pyereestvaijeem- já ovtâsteijeeaselävdikodde adeleh kuávluhaldáttâsân ciäkkámuš pyereestvaijeemkuávlustrategiast. Tastko sâmielâ lävdikoddeest ij lah laavâvuáimálie kuávlustiivrâ miärádâs, te kuávluhaldáttâs meridi 17.8.2022 § 212 vuáđuidi sâmielâlij palvâlusâi valmâštállâm toorjân stivrimjuávhu.

Tääl kiedâvuššâmnaál orroo strategihammiittâs valmâštállâm juátkoo vala, mutâ taan muddoost lii tárbu táttuđ ciäkkámuš sâmielâ stivrimjuávhus, uásálašvuotâ- já äššigâsvuotâlävdikoddeest sehe pyereestvaijeem- já ovtâsteijeeaselävdikoddeest. Meid kááijum- já kiärgusvuotâlävdikoddeest sehe tärhistemlävdikodde pyehtih adeliđ ciäkkámuš, veikâ tot ij haldáttâhnuolgâdus miel lekken velttidmettum.

lävtuttâs**Pyereestvaijeemkuávluhovdá**

Kuávluhaldáttâs meerrid

1. tuhhiittiđ pyereestvaijeemkuávlustrategia hammiittâs ciäkkámuštáttum vuáđđun;
2. táttuđ pyereestvaijeemkuávlustrategiast ciäkkámuš sâmielâ stivrimjuávhus, uásálašvuotâ- já äššigâsvuotâlävdikoddeest, pyereestvaijeem- já ovtâsteijeeaselävdikoddeest sehe kááijum- já kiärgusvuotâlävdikoddeest.
3. pahudiđ, ete meid pyereestvaijeemkuávlv eres toimâorgaanijn lii máhđulášvuotâ celkkiđ ääšist;
4. ete ciäkkámušâid kalga adeliđ 31.10.2022 räi.

Miärádâs

Tuhhiittui.

**Laapi pyereestvaijeemkuávlv
kuávluhaldáttâs
Äššilisto**

Tuhhiittui, ete strategia peividuvoo stivrâpaje ääigi vuáđđudmáin ääigitásásii tiätun sierâ palvâlemkuávlvi palvâlemtáárbuin já palvâlusâi finniimist. Palvâlemstrategia ráhtoo vuáđđudmáin târkkilistum ääigitásásii tilekován.

Ääši kiedâvuššâm ääigi kullii äššitobdee Timo Nousiaisii já strategiahovdá Sirkka-Liisa Olli.

Lasetiäđuh

strategiahovdá Sirkka-Liisa Olli
p. 040 662 9916
sirkka-liisa.oli@lapha.fi

Pyereestvaijeemkuávluhovdá Jari Jokela
p. 040 5323 998
jari.jokela@lapha.fi

Laapi pyereestvaijeemkuávlv kuávluhaldáttâs 351 § 9.11.2022

Strategiahovdá 4.11.2022

Pyereestvaijeemkuávlustrategian kyeskee kuullâm- já uásálistemprooses 12.10.2022 orroom kuávluhaldáttâs kiedâvuššâm maŋa lii tábáhtum kevttimáin vyehhin maŋgâid sierâlágán vaiguttemkanaviđ. Ärbivuáválii celkkimmonáttállâm paaldâst lii puáhtám uásálistiđ puohháid ávus šleđgâlâš palvâlussân olášuttum nettisuogârdâlmân sehe otakantaa.fi- celkkimpalvâlusân. Pyereestvaijeemkuávlv puáttee pargoviehân lii uárnejum vuáruvaikuttâslii webinaar já strategia lii oovdânpuohtum sehe pyereestvaijeemkuávlv virgálad toimâorganáid já Laapi kieldâi kieldânjunošáid sierâ tilálâšvuodâin.

Strategian lohtâseijee ciälkkámušâid láá táttum toimáttiđ 31.10.2022 räi kuávluhaldáttâsân. Virgálijđ ciälkkámušâid láá kuávluhaldáttâs tooimâst táttum sâmi kielâ stivrimjuávhust, uásálâšvuotâ- já äššigâsvuotâlâvdikoddeest, pyereestvaijeem- já ovtâsteijeeaselâvdikoddeest sehe kâáijum- já kiärgusvuotâlâvdikoddeest. Ciälkkámušâs láá adelâm sâmi kielâ stivrimjuávkku, pyereestvaijeem- já ovtâsteijeeaselâvdikodde, uásálâšvuotâ- já äššigâsvuotâlâvdikodde, Suomâ sâmmilij kuávdâšservi, JHL, Talentia Lappi ry, Invalidlitto jeessânservijdiskuin, Sámi árvvut ry, SámiSoster ry sehe Sâmitigge.

Laapi pyereestvaijeemkuávlv strategiaproosesân láá uásálistám kuulmâ nettiuásálistem peht ohtsis 2340 uásálisted, moi juávhust láá lamaš nuuvt ässeeh, pargeeh ko kyeimih-uv. Ciälkkámušah já uáivileh láá puáttám

**Laapi pyereestvaijeemkuávlv
kuávluhaldáttâs
Äššilisto**

ohtsis 49.

Ciälkkámušah já uáivileh láá kiedâvuššum já valdum huámmášumán strategia jotkávalmâštâlmist. Olesvuottân strategia uulmijd já tiäddučuogâstuvâid onnii olmâ sundásâžžân, maangâpiälâlâžžân já luhostum. Huolah pajanii ei. tast, ete maht strategiast šadda konkreetliih tavoh já maht strategia jođettuvvoo tienuuvt, ete ulmeh olášuveh. Jurduuh digipalvâlusâi kuáttá lijjii positiivliih, mutâ huolâ lâi ei. tast, ete muulsâiävtuliih-uv palvâlemvyevih kolgâččii leđe paaldâst. Huolâ kielâlij já kulttuurlij vuoigâdвуođâi olášumeest pajanij oovdân sâmikielâ já -kulttuur miäldâsij palvâlusâi olášume uásild. Meid sierânâsjuávhui oinum strategiast käibidui. Máhđulâšvuotâ uásálistiđ strategia valmâštâlmân já eromâšávt kieldâi kuullâm tehâlâš ovtâsteijeasekeyeimin sierâ ciälkkámušâi häämist onnui tehâlâžžân.

Ciälkkámušâin já uáivilijn lijjii pajedum oovdân maangah teháliih ääših eromâšávt palvâlusâi háárán. Ko palvâlemstrategiapargo já eres ohjelpargo vyelgih joton, te uárnejuvvojeh viđđáht máhđulâšvuođah uásálistmân já ton prosesist jo tääl adelum ciälkkámušah já uáivileh láá mávsuliih valduđ huámmášumán.

Pyereestvaijeemkuávluhovdá 4.11.2022

Strategiaproosees ääigi sierâ peelijn tego kieldâin já kuávlustiivrâ infotilâlâšvuođâst airâsijn finnejum macâttâs vuáđuld lii vala tárbu táttuđ pyereestvaijeemkuávlustrategiast ciälkkámušâid Laapi kuávlv kieldâin sehe motomijn teháliijn čonâsjuávhuin já oovtâstpargokuoimijn. Nube tááhust stivrâ kalga meridiđ pyereestvaijeemkuávlustrategiast ovdil miärádâs budjetist já ekonomiavuáváámist, tastko pyereestvaijeemkuávlv já pyereestvaijeemkuávlukonsern tooimâ já ekonomia ulmeh kalgeh olášuttiđ pyereestvaijeemkuávlustrategia (laahâ pyereestvaijeemkuávlust 115 §). Toos lasseen lii tárbu pieijâđ joton palvâlemstrategia já pyereestvaijeemkuávlv eres olášuttemohjelmij já -vuáváámij valmâštâllâmpargo.

Strategia valmâštâlmist kalga ovdániđ tienuuvt, ete kuávluhaldáttâs táttu ciälkkámušâid kieldâin sehe miärádâsiävtuttâsâst mainâšum eres teháliijn čonâsjuávhuin já oovtâstpargokuoimijn já oovdânpuáhtá pyereestvaijeemkuávlustrategia tááláá hâmistis kieldâstivrân tuhhiitemnáál budjet já ekonomiavuáváám valmâštâllâm sehe palvâlemstrategia já pyereestvaijeemkuávlv eres olášuttemohjelmij já -vuáváámij valmâštâllâmpargo algâttem vuáđđun. Eidusii miärádâs pyereestvaijeemkuávlustrategiast kuávlustivrâ tovâččij algâivveest 2023.

**Laapi pyereestvaijeemkuávlv
kuávlvuhaldáttâs
Äššilisto****lävtuttâs****Pyereestvaijeemkuávlvuhovdá**

Kuávlvuhaldáttâs meerrid

1. merkkiđ pyereestvaijeemkuávlvustrategiast finnejum ciálkkámušâid já eres macâttâs tiättun;
2. táttuđ pyereestvaijeemkuávlvustrategiast ciálkkámuš čuávuváin ornijduumijn
 - Laapi kieldah
 - Laapi litto
 - Laapi kuávlv váldusooppâmseervih: Julkisen alan unioni JAU Julkisan koulutettujen neuvottelujärjestö JUKO Sosiaali- ja terveysalan neuvottelujärjestö Sote ry
 - Eennâmkodálâš serviráđádállâmkodde (Maakunnallinen järjestöneuvottelukunta)
 - Laapi irâtteijeh
 - Laapi kävppikáámmár (kauppakamari)
 - Laapi ollâopâttâh
 - Laapi áámmátollâškovlâ
 - Áámmátopâttâh Lappia
 - Ruávinjaargâ škovlimkielâovtâstume Redu;
3. väridiđ meid eres oovtâstpargokuoimijđ já čonâsjuávhoid máhđulâšvuodâ celkkiđ ääšist;
4. ete celkkimäigi nohá 15.12.2022.

Kuávlvuhaldáttâs iävtut kuávlvustiivrân, ete kuávlvustivrâ meerrid

1. tuhhiittiđ pyereestvaijeemkuávlvustrategia tääl lahtosin orroo häämist budjet já ekonomiavuávám valmâštállâm sehe palvâlemstrategia já pyereestvaijeemkuávlvustrategia eres olâšuttemohjelmij já -vuáváámij valmâštállâmpargo algâtem vuáđđun;
2. ete kuávlvustivrâ meerrid pyereestvaijeemkuávlvustrategiast algâivveest 2023.

Miäradâs

Tuhhiittui toin iävttoin, ete ciálkkámušah tátttojuh meid Laapi kuávlv evangellâš-luterlij servikuudijn sehe Laapi ortodoksisii servikoddeest.

Lasetiäđuh

strategiahovdá Sirkka-Liisa Olli
p. 040 662 9916
sirkka-liisa.oli@lapha.fi

pyereestvaijeemkuávlvuhovdá Jari Jokela
p. 040 5323 998

**Laapi pyereestvaijeemkuávlv
kuávluhaldáttâs
Äššilisto**

jari.jokela@lapha.fi

Laapi pyereestvaijeemkuávlv kuávlustivrâ 36 § 25.1.2023

Pyereestvaijeemkuávlustrategia**Iävtuttâs****Kuávluhaldáttâs**

Kuávluhaldáttâs iävtut kuávlustiivrân, ete kuávlustivrâ meerrid

1. tuhhiittiđ pyereestvaijeemkuávlustrategia tääl lahtosin orroo häämist budjet já ekonomiavuávám valmâštállâm sehe palvâlemstrategia já pyereestvaijeemkuávlustrategia eres olášuttemohjelmij já -vuáváámij valmâštállâmpargo algâtem vuáđđun;
2. ete kuávlustivrâ meerrid pyereestvaijeemkuávlustrategiast algâivveest 2023.

Miäradâs

Tuhhiittui.

Lasetiäđuh

strategiahovdâ Sirkka-Liisa Olli
p. 040 662 9916
sirkka-liisa.oli@lapha.fi

Pyereestvaijeemkuávluhovdâ Jari Jokela
p. 040 5323 998
jari.jokela@lapha.fi

Laapi pyereestvaijeemkuávlv kuávluhaldáttâs 27 § 25.1.2023

Strategiahovdâ Sirkka-Liisa Olli

Kuávluhaldáttâs lii talle ko lii kiedâvuššâm strategiahampiittâs, meridâm čuákkimstis 9.11.2022
táttuđ pyereestvaijeemkuávlustrategiast ciälkkámuš čuávuváin ornijduumijn
- Laapi kielah
- Laapi litto
- Laapi kuávlv váldusooppâmseervih: Julkisen alan unioni JAU
Julkisalan koulutettujen neuvottelujärjestö JUKO Sosiaali- ja terveystieteiden neuvottelujärjestö Sote ry
- Eennâmkodálâš serviráđádállâmkodde (Maakunnallinen järjestöneuvottelukunta)

**Laapi pyereestvaijeemkuávlv
kuávlvuhaldáttâs
Äššilisto**

- Laapi irátteijeeh
- Laapi kävppikáámmár (kauppakamari)
- Laapi ollâopâttâh
- Laapi áámmátollâškovlâ
- Áámmátopâttâh Lappia
- Ruávinjaargâ škovlimkielâovtâstume Redu;
- Laapi kuávlv evaŋgellâš-luterliih servikodeh sehe Laapi ortodoksisiih servikodeh.
- väridiđ meid eres oovtâstpargokuoimijd já čonâsjuávhoid máhđulâšvuodâ celkkiđ ääšist

Ciälkkámušah (25 pittád) láá adelâm 17.1.2023 räi čuávuvááh peleh;

- Laapi pyereestvaijeemkuávlv kááijum- já kiärgusvuotâlâvdikodde
- 16 Laapi lääni kieldâd; Iänudâh, Aanaar, Kiemâjävri, Kiemâ, Kiemâeennâm, Kittâl, Kolari, Pelkosnjargâ, Pello, Ruávinjargâ, Suovâkuoškâ, Simo, Suáđigil, Tervola, Tuárnus, Ucjauhâ
- Eevaŋgellâš-luterliih servikodeh, Kiemâjävri, Muonio, Suáđigil
- Laapi IJP- já PI-kuávdáš
- Laapi kävppikáámmár (kauppakamari)
- Lapin liikunta ry já Olympiakomitea
- Kiemâ-Tuárnus škovlimkielâovtâstume Lappia
- Ruávinjaargâ škovlimkielâovtâstume REDU

Ciälkkámušâin lii rahtum čuágaldâh, mii lii kiedâvuššum Laapi pyereestvaijeemkuávlv strategia stivrimjuávhust 12.1.2023 já informistum Laapi pyereestvaijeemkuávlv strategiaolesvuodâ oovdânpyehtimist kuávlvuhaldáttâs 18.1.2023.

Ciälkkámušâs adelem peelij uáinust Laapi pyereestvaijeemkuávlv strategiaolesvuotâ uáinoo iänááš čielgâsin já ulmemiäldásâžžân já tiäddučuogâstuvah sehe väljejum strategia olášuttem njunošeh luhostum tâi olmâ sundásâžžân.

Kááijum- já kiärgusvuotâlâvdikodde lii čiälkkámušâstis pahudâm jieijâs uásild eereeb iärrás, ete strategia rááhtus lii jiešalnees čielgâs já ton ulmeh láá pyereest čallum ávus, mutâ eidusâš kááijumtoomâ uási lii strategiast hiäjus. Kááijumtoomâ uáinust strategia kolgâččii vala tärkkilistiđ tienuuvt, ete tot ličij puoh oosijn linjáást staatâräädi 1.12.2022 nonnim väldikodálij strategisij ulmijguin. Iänááš kirjiimeh láá jo tääl linjáást, mutâ motomijn oosijn väldikodáliih kirjiimeh láá nanosuboh ko pyereestvaijeemkuávlvstrategia kirjiimeh.

**Laapi pyereestvaijeemkuávlv
kuávluhaldáttâs
Äššilisto**

Kieldah láá jieijâs ciälkkámušâin kiddim huámmášume já huolâ palvâlusâi finnim turviimân puátteevuođâst. Huolah láá lohtum eromášávt aldapalvâlusprinsiip olášumán já almolávt palvâlusâi finniimân. Kieldah láá meid ennuv tiäduttâm kieldâi já pyereestvaijeemkuávlv oovtâstpargo já kyeimivuodâ rooli já ton oinum strategiast eromášávt ovtâseijeeoosij uáinust. Pyereestvaijeem, tiervâsvuodâ já torvolâšvuodâ sehe muuneeld estee palvâlusâi uáinu já pargolâšvuodâ hoittám oovtâstpargokoččâmušah láá pajanâm nanosávt kieldâi peht uáinusân. Meid vâldikode raajijd rastaldittee oovtâstpargo oinumvuotâ lii strategiast tiäduttum maangâ kieldâ ciälkkámušâst. Sämmlilij lahâaasâtlii sajattuv, kulttuurjiešhaldâšem, kielâlij já kulttuurlij vuoigâdvuodâi já sâmikielâlij já kulttuurmiäldásij palvâlusâi turvim já ovdedem uáinui huámmášumán vâldimân strategiast láá kiddim huámmášume sämmlilij päikkikuávlv kieldah.

Ciälkkámušâs adelâm evangellâš-luterliih servikodeh láá annaam, ete strategiaolesvuotâ lii luhostum. Servikodeh láá iävtuttâm jieijâs tuoivân ei. ete aargâ tooimâst aalmugjesânij ooskon lohtâseijee äšših váldojeh puátteevuođâst-uv huámmášumán.

Laapi IJP- já PI-kuávdáá ciälkkámušâst láá pajedum oovdân maangah strategisiih oovtâstpargo ovtâsteijeeaseh ; ei. stuorrâ vâldikodáliih uđâsmitmeh moh lohtâseh pargolâšvuodâ hoittám sirdemân kieldâid sehe siärváduuttemlaavâ olesuđâsmittem. Mättee pargovyeimi finnim sehe mättim ovdedem oovtâstpargoost uáinuh oovtâstpargo máhđulâšvuodâid vijđâsubboht-uv. Munedeijee vyevi já muuneeld estee pargo oinum tiäduttuvvoo tego meid viärmádâhoovtâstpargo, kyeimivuodâ, munedem já aalmugijkoskâsâšvuodâ huámmášumán vâldim čielgâsubboht strategiast.

Laapi kävppikáammár lii ciälkkámušâstis kiddim huámmášume ei. palvâlusâi pyevtittem strategisii kyeimivuotân, ornimvuovij linjiimân strategiatâásist, oles eennâmkode eellimvyeimi uáinu huámmášumán vâldimân, kuástádâstiäđulâšvuodâ lasseetmân, äššigâs valjimrijjâvuotân já aalmugijkoskâsâšvuotân sierâ uáinuin.

Lapin liikunta Oy já Olympiakomitea iävtutteh lihâdem ovdedem uáinu kirjimnáál jo-uv strategian tâi vuávámtáásán já tuáivuh systemaatlii oovtâstpargo pyereestvaijeemkuávluin. Tehálâžžân annoo lihâdem oinum sehe miäradâstoohâmráhtusijn já palvâlemkuálusijn.

Ciälkkámušâs adelâm škovlimkieldâovtâstuumij ciälkkámušâin tiäduttui strategisii kyeimivuodâ uáinu eromášávt mättim ovdedem já

**Laapi pyereestvaijeemkuávlu
kuávluhaldáttâs
Äššilisto**

visásmittem, uáppeehuoláttâs ornim já olášuttem uáinust sehe koččâmušâin uáinust, moh lohtâseh enâmânvarriimân pargo tiet.

Čuákánkiässun pahudeh, ete Laapi pyereestvaijeemkuávlu strategiaprosesân láá puohnassân uásálistám kuulmâ nettiuásálistem peht ohtsis 2340 uásálisted, moi juávhust láá lamaš nuuvt ässeeh, pargeeh ko kyeimih-uv. Ciälkkámušah já uáivileh láá puáttám ohtsis 74. Puoh ciälkkámuš adelâm peleh láá čáittám noonâ táátu kyeimivuotân já oovtâstpaargon Laapi pyereestvaijeemkuávloin, mii addel eromâš vuolgâsoojijd strategia olášumán oovtâstpaargon. Laapi pyereestvaijeemkuávlu lii váldám huámmášumán ciälkkámušâin oovdân pajedum tehálijd uáinuid strategiahampiittâsân já eromâšávt ton olášuttemohjelmij linjimáid, vâi oovdân pajedum já kuohtui peelij tehálâžžân onnum ääših váldojeh huámmášumán nuuvt palvâlemstrategiast ko strategia eres-uv olášuttemohjelmijn.

Laapi pyereestvaijeemkuávlu sâmikielâ stivrimjuávhu, Sâmitige já Ucjuv kieldâ ciälkkámušâin iávtuttii, ete sâmikielâlij palvâlusâi olášuttem várás valmâštâlloo jieijâs olášuttemohjelm, mii vuáđuduvá sâmmilij lahâaasâtlíi sajattâhân, kulttuurjiešhaaldâšmân ja kielâlâid já kulttuurlâid vuoigâdвуođáid sehe sâmikielâlij palvâlusâi finnimvuođâ turviimân.

Sâmikielâlij palvâlusâi olášuttemohjelm ij lah ulmemiäldásâš rähtiđ sierâ ohjelpargon. Oles strategiaolessuotâ ohjelmijguin lii rahtum tienuuvt, ete sâmmilij lahâaasâtlâš sajattâh, kulttuurjiešhaaldâšmân já kielâlâid já kulttuurlâid vuoigâdвуođáid sehe sâmikielâlij palvâlusâi finnimvuođâ turviimân lohtâseijee koččâmušah já uáinuh váldojeh huámmášumán. Jotkâvalmâštâlmist huámmáseh vala sierânâskoččâmuššân sâmikielâlij uásálâšvuođâ palvâlemstrategia já eres olášuttemohjelmij valmâštâlmist.

Lahtoseh

Laapi pyereestvaijeemkuávlustrategia
Kuávluhaldáttâs 25.1.2023
Kááijum- já kiärgusvuotâlâvdikodde
länuduv kieldâ
Aanaar kieldâ
Kiemâ kaavpug
Kiemâeennâm
kieldâ
Kiemâjäävri kaavpug
Kittâl kieldâ
Kolari kieldâ
Pelkosnjaargâ kieldâ

**Laapi pyereestvaijeemkuávlv
kuávluhaldáttâs
Äššilisto**

Pello kieldâ
Ruávinjaargâ kaavpug
Suovâkuoškâ kieldâ
Simo kieldâ
Suáđgil kieldâ
Tervola kieldâ
Tuárnus kaavpug
Ucjuv kieldâ
Muonio servikodde
Kiemâjäävri ev.lut servikodde
Suáđgil servikodde
Laapi IJP-kuávdáš já Laapi PI-toimâttâh
Laapi kävppikáámmár
Lapin liikuna Ry já Olympiakomitea
ciälkkámuš
Kiemâ-Tuárnus škovlimkieldâovtâstume
Lappia
Ruávinjaargâ škovlimkieldâovtâstume REDU

Iävtuttâs**Pyereestvaijeemkuávluhovdâ**

Kuávluhaldáttâs iävtut kuávlustiivrân, ete kuávlustivrâ meerrid tuhhiittid pyereestvaijeemkuávlustrategia lahtos miäldásâžžân.

Lasetiäđuh

Strategiahovdâ Sirkka-Liisa Olli
p. 040 662 9916
sirkka-liisa.oli@lapha.fi

Pyereestvaijeemkuávluhovdâ Jari Jokela
p. 040 5323 998
jari.jokela@lapha.fi

Olášuttem

iävtuttâs kuávlustiivrân